

Na osnovu člana 35. stav 1. Kolektivnog ugovora za djelatnost osnovnog obrazovanja u Tuzlanskom kantonu („Službene novine Tuzlanskog kantona“, broj: 3/17, 1/18 i 7/18), Vlada Tuzlanskog kantona koju zastupa premijer Jakub Suljkanović i Samostalni sindikat radnika osnovnog obrazovanja i odgoja Tuzlanskog kantona kojeg zastupa predsjednik Sumedin Kulović, dana 10.09.2018. godine, zaključuju

SPORAZUM

o utvrđivanju platnih razreda i koeficijenata za obračun plaće radnika u osnovnoj školi

I

Radnici u osnovnoj školi, razvrstavaju se u devet platnih razreda i za svaki platni razred utvrđuje se koeficijent za obračun osnovne plaće u sljedećim vrijednostima:

Platni razred:.....	Koeficijent:
– I platni razred	2,96
– II platni razred	2,80
– III platni razred	2,47
– IV platni razred	2,28
– V platni razred	2,08
– VI platni razred	1,75
– VII platni razred	1,59
– VIII platni razred	1,38
– IX platni razred	1,07.

II

U platne razrede utvrđene u tački I ovog Sporazuma razvrstavaju se radnici i to:

a) U prvi platni razred razvrstavaju se:

- Direktor škole sa završenim dodiplomskim studijem u četverogodišnjem trajanju (VII stepen stručne spreme);
- Direktor škole sa završenim I ciklusom visokog obrazovanja u četverogodišnjem trajanju;

b) U drugi platni razred razvrstavaju se:

- Direktor škole sa završenim prvim ciklusom visokog obrazovanja u trogodišnjem trajanju;
- Pomoćnik direktora škole sa završenim dodiplomskim studijem u četverogodišnjem trajanju (VII stepen stručne spreme);
- Pomoćnik direktora škole sa završenim prvim (I) ciklusom visokog obrazovanja u četverogodišnjem trajanju;

c) U treći platni razred razvrstavaju se:

a. rukovodeći radnici:

- Pomoćnik direktora škole sa završenim prvim (I) ciklusom visokog obrazovanja u trogodišnjem trajanju;

b. radnici sa završenim dodiplomskim studijem u četverogodišnjem trajanju (VII stepen stručne spremlje) ili završenim prvim (I) odnosno prvim (I) i drugim (II) ciklusom visokog obrazovanja u najmanje četverogodišnjem trajanju koji se boduje sa najmanje 240 ECTS bodova;

- radnici (nastavno osoblje) na poslovima razredne nastave;
- radnici (nastavno osoblje) na poslovima predmetne nastave;
- pedagog, pedagog-psiholog;
- korepetitor;
- socijalni radnik;
- radnici sa završenim Edukacijsko-rehabilitacijskim ili srodnim fakultetom;
- odgajatelj/vaspitač u Zavodu za odgoj i obrazovanje osoba sa smetnjama u psihičkom i tjelesnom razvoju Tuzla i Centru za obrazovanje i vaspitanje i rehabilitaciju slušanja i govora Tuzla;
- sekretar;
- bibliotekar;
- nototekar.

d) U četvrti platni razred razvrstavaju se radnici sa završenim prvim (I) ciklusom visokog obrazovanja u trogodišnjem trajanju koji se boduje sa 180 ECTS bodova:

- radnici (nastavno osoblje) na poslovima razredne nastave;
- radnici (nastavno osoblje) na poslovima predmetne nastave;
- odgajatelj/vaspitač u Zavodu za odgoj i obrazovanje osoba sa smetnjama u psihičkom i tjelesnom razvoju Tuzla i Centru za obrazovanje i vaspitanje i rehabilitaciju slušanja i govora Tuzla;
- sekretar, kojem je Pedagoškim standardima omogućeno da nastavi obavljati poslove sekretara na kojima je zatečen u radnom odnosu na neodređeno vrijeme sa završenim prvim ciklusom Bolonjskog sistema studiranja, pravne struke, koji se boduje sa najmanje 180 ECTS bodova;
- saradnik za ekonomsko-finansijske poslove;
- bibliotekar;
- nototekar;
- korepetitor;
- medicinska sestra;
- fizioterapeut.

e) U peti platni razred razvrstavaju se radnici:

- radnici (nastavno osoblje) na poslovima razredne nastave VI stepen stručne spremlje kao i radnici sa IV stepenom stručne spremlje kojima je u skladu sa članom 138. stav (1) Zakona o osnovnom odgoju i obrazovanju ("Službene novine TK", broj:9/15 i 6/16) omogućeno da nastave obavljati poslove nastavnika na kojima su zatečeni;
- radnici (nastavno osoblje) na poslovima predmetne nastave VI stepen stručne spremlje kao i radnici sa IV stepenom stručne spremlje kojima je u skladu sa članom 138. stavovi (2), (3) i (4) Zakona o osnovnom odgoju i obrazovanju ("Službene novine TK", broj:9/15 i 6/16) omogućeno da nastave obavljati poslove nastavnika na kojima su zatečeni;
- odgajatelj/vaspitač u Zavodu za odgoj i obrazovanje osoba sa smetnjama u psihičkom i tjelesnom razvoju Tuzla i Centru za obrazovanje i vaspitanje i rehabilitaciju slušanja i govora Tuzla;

- sekretar, kojem je u skladu sa članom 138. stav (5) Zakona o osnovnom odgoju i obrazovanju ("Službene novine TK", broj:9/15 i 6/16) i Pedagoškim standardima omogućeno da nastavi obavljati poslove sekretara na kojima je zatečen u radnom odnosu na neodređeno vrijeme sa VI stepenom stručne spreme;
- saradnik za ekonomsko-finansijske poslove, VI stepen stručne spreme, kojem je Pedagoškim standardima omogućeno da nastavi obavljati poslove saradnika za ekonomsko-finansijske poslove a zatečen je u radnom odnosu na neodređeno vrijeme sa VI stepenom stručne spreme na administrativno-finansijskim poslovima u školi;
- viši knjižničar VI stepen stručne spreme;
- korepetitor, VI stepen stručne spreme;
- medicinska sestra, VI stepen stručne spreme;
- fizioterapeut VI stepen stručne spreme.

f) U šesti platni razred razvrstavaju se radnici:

- saradnik za ekonomsko-finansijske poslove kojem je Pedagoškim standardima omogućeno da nastavi obavljati poslove saradnika za ekonomsko-finansijske poslove a zatečen je u radnom odnosu na neodređeno vrijeme sa V stepenom stručne spreme na administrativno-finansijskim poslovima u školi;
- medicinska sestra, IV stepen stručne spreme,
- fizioterapeut, IV stepen stručne spreme;
- kuhar, V stepen stručne spreme.

g) U sedmi platni razred razvrstavaju se radnici:

- sekretar, IV stepen stručne spreme, kojem je u skladu sa članom 138. stavovi (6) i (7) Zakona o osnovnom odgoju i obrazovanju ("Službene novine TK", broj:9/15 i 6/16) i Pedagoškim standardima omogućeno da nastavi obavljati poslove sekretara na kojima je zatečen u radnom odnosu na neodređeno vrijeme sa VI stepenom stručne spreme;
- saradnik za ekonomsko-finansijske poslove, IV stepen stručne spreme, kojem je Pedagoškim standardima omogućeno da nastavi obavljati poslove saradnika za ekonomsko-finansijske poslove a zatečen je u radnom odnosu na neodređeno vrijeme sa IV stepenom stručne spreme na administrativno-finansijskim poslovima u školi ili se prima u radni odnos sa IV stepenom stručne spreme u skladu sa Pedagoškim standardima;
- referent za administrativne poslove, IV stepen stručne spreme;
- knjižničar, IV stepen stručne spreme;
- ekonom, IV stepen stručne spreme;
- kuhar, III stepen stručne spreme;
- kuhar-servirka, III stepen stručne spreme.

h) U osmi platni razred razvrstavaju se radnici:

- domar, najmanje III stepen stručne spreme;
- domar-ložać, najmanje III stepen stručne spreme;
- pomoćni ložać, najmanje III stepen stručne spreme.

i) U deveti platni razred razvrstavaju se radnici:

- higijeničar, najmanje završena osnovna škola (NK);
- higijeničar-ložać, najmanje završena osnovna škola (NK).

III

Osnovne škole su dužne uskladiti svoja opća akta sa odredbama ovog Sporazuma u roku od petnaest (15) dana od dana početka njegove primjene.

IV

Primjena obračuna plaća po ovom sporazumu će se izvršiti nakon usvajanja Budžeta Tuzlanskog kantona za 2019. godinu sa primjenom novih koeficijenata počev od 01.01.2019. godine ili putem eventualne korekcije plaća za period od 01.01.2019. godine do donošenja Budžeta TK za 2019. godinu.

V

Potpisivanjem ovog Sporazuma prestaju da važe odredbe Kolektivnog ugovora za djelatnost osnovnog obrazovanja u Tuzlanskom kantonu („Službene novine TK“, broj: 7/01, 6/07, 3/08, 4/08, 1/09, 10/09, 4/10, 10/10 i 1/14) kojim su bili utvrđeni platni razredi i koeficijenti.

VI

Ovaj Sporazum bit će objavljen u „Službenim novinama Tuzlanskog kantona“.

**SAMOSTALNI SINDIKAT
RADNIKA OSNOVNOG OBRAZOVANJA
I ODGOJA
TUZLANSKOG KANTONA**

**BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A**

PREDSJEDNIK


Sumedin Kulović

Broj: 02-285 /18
Tuzla, 10.09.2018. godine

PREMIJER KANTONA


Jakub Suljkanović

Broj: 02/1-05-20910-3/18
Tuzla, 10.09.2018. godine